

江陰縣志

卷三

三冊

22.6513
3178.073
:3

江陰縣志卷之三

山川

江陰瀕江而多山山不種植民不獲山之利城鄉河
 港賴江潮以資灌溉低鄉遇盛漲無所宣洩其畏潦
 甚於他邑而潮挾泥沙易致淤塞潮不內入則灌溉
 無資故畏旱尤甚於他邑宰斯土者勸種植以興地
 利亟開濬以重農功能一日去諸懷哉若延陵申浦
 由季子春申以得名雖考證者所必及而非斯邑民
 生之急務也志山川

山



楊臨履堂

君山在澄江門外二里縣治直北以春申君得名舊名瞰

江山俯臨大江北眺維揚南挹姑蘇東望海虞西眇京

口洵一邑之雄勝也由西麓而上為東嶽廟殿前有坊

曰龍飛駐蹕以明太祖曾登此殿下為春申君墓循廟而上曰

元天門其上有松風亭廢址趙志云宋志山巔故有松風亭後易名心遠山

巔為真武廟俗稱無梁殿今廢廟西南宋時有浮圖基尙存明

人尹嘉賓議重建累石築基而未成山之北有樓面江曰望江樓宋浮遠

堂故址在其上浮遠堂宋紹興間知軍趙窩之創建取東坡江遠欲浮天之句江都仲并作記

司法李珏柱聯云此水自當兵十萬昔人曾有客三千舊有翠煙廳時雨堂如斯

亭處江亭潮音閣洗心亭沈志作堂蔣靜學易處後易名澄江江樹亭皆

廢不可識別矣其自東嶽廟左而上有三元殿今三元廢

殿之東北有石方廣數丈曰盤陀石蔡志載盤石流泉旱則竭雨則流蓋

石隙積雨所注有似泉耳其下為雷月嶺蜿蜒坡嘉慶間於盤陀石

左重建梅花書院詳書院條今廢地當張連二公祠之後非故

址也院左闢磴道數百級植梅千本繚以周垣上建石

亭遊覽者得憑眺焉

鷺鼻山在縣北四里山勢高斜如鷺鼻俗呼鷺喙嘴江自金焦

而下大溜直衝磯頭水湍激深不可測今溜漸移而東磯下稍淺矣

黃山在縣東北六里西自鷺鼻連岡而東為琵琶峽過峽

四五里望若臥龍曰黃山相傳以春申君姓得名上有

數峯中峯名席帽亂石散布吳時烽火之所其巔元邑人王逢所隱居也其東山隴中凹爲馬鞍山南爲龍頭岡其北巉巖峭壁有山嘴入江曰雞頭灣明邑人方謨鑿石得二島建凌波閣植桃石隙稱小桃源與雞頭灣東西相接者曰大石灣小石灣兩灣各有巨石或臥或立激湍飛濤漱齧其下如橋如洞奇險清絕爲邑人勝遊地

蕭山在縣東北十五里本以蕭姓所居名之俗譌爲小山上有祭江臺前代以子鱗入貢漁人羣集所也

彭公山在蕭山東舊傳彭越東征爲營處

蟠龍山在蕭山東南一名蛟山唐垂拱中有黃龍蟠其上三日故名

鳳凰山與蟠龍山相接昔傳有鑿石得玉鳳凰於此故名香山在縣東北三十里十國紀年吳越攻常州張可琮以江陰兵從陳璋敗吳越於香灣此其處也歷石虎門有小峯特出曰小香山有菴曰梅花堂其額爲東坡書由麓而上曰采香徑上有祖師殿繞而東爲兜率院又有最勝塔土名瘞獅窟越嶺而北有澗數十丈夾澗植桃名桃花澗

浮山在香山北又名巫山子立江湍爲江海門戶故曰巫

子門舊時江濤旋繞其趾今山之北石壁稜稜而洲漲沙聯竟成平陸煙火相望矣

長山一名真山舊傳梁武時有女於此得仙建至真觀故名祥符圖經作甄山東距香山二里許西麓有巨石飛跨入江面平如筏故前志亦稱石筏山今呼石牌筏之出沒視潮汐長落江邊大石方丈許爲漁人舉網地循麓而上有斥埃礮臺江防烽火在焉東北麓臨江峭壁中空下垂爲大小天臺石其下有石室空洞杳冥人跡罕至

鎮山在香山東北舊志謂昔有虹蜺出此山爲鎮星所隕化者其說荒唐不可信蔡志移貪山之解崇泉謂出此山未審何據今沒榛莽中莫能識也其北有石獨立如老僧曰和尚石土人以石頂液出爲雨兆東有平岡明時石頭港巡檢教士兵馳射處

段山在縣東北七十里大江中與楊舍堡相望傍山沙渚曰段山沙

綺山在縣東十里昔吳王泛舟其下見野花錯繡如綺故名山有虎礪石爛斑如虎隱踞巖壁間東有善利泉味甘美泉流分注曰兩水灣俗譌冷水灣陸文圭墓也

敵山在縣東十五里山脊形如鉏鋸故以敵名俗名耙齒

山一名貪山梁大同中有樵夫識金銀氣掘之爲石所
壓故名貪

定山在縣東二十里雄峻磅礴爲邑諸山之冠山勢岡巒
迴合面各異形舊傳有定光佛示現故名又以山之西
阿有女仙臺太守女於此修仙得道亦名女山其西曰
娥墓嶺南俯應天河東至三河口又東三里有兩坡突
出崖谷砉然溯澗道紆折而入高峯如屏泉石綺麗則
巖塔灣也明時葛氏別業有三十一景今廢下爲飛錫
菴唐法響駐錫處菴又有玉乳泉俗名虎跑瑩白甘腴
循灣北上爲千僧基前代故叢林地毀廢已久今仍建

僧廬焉

彭墓山本定山支隴在張岐村亦名張岐山

售山在縣東二十五里梁天監中劉售嘯聚於此自名爲
售山

稷山在縣東三十里唐薛稷有別業於此亦曰薛山下有
長洲翰林顧淞墓

覆酒山在稷山東山極低小形如覆舟曰覆酒者音之譌
也

赤石山在縣東三十里高僅數丈俗呼繆墅墩上有周穆
王廟遊仙塘赤石亭俱廢山下產紅石郭璞云赤石山

下有朱砂是也

砂山在定山東南十里爲華墅鎮之屏障其西支嶺曰雞籠山迤東有泰清寺又東爲牛嶺山頂有五峯曰五峯頂上有石方廣不盈丈曰金鷲石登山四望具區揚子隱約可見東峯建文昌閣山頂砂磧隱隱如列堠昔楊吳武義間敗吳越兵於砂山豈其地歟東北麓爲趙孝子墓

白龍山在砂山東二里舊傳有白龍遊其上今龍洞在焉一名龜山北數里有小阜曰白鹿山吳王獵得白鹿之所故名

顧山在縣東九十里舊名香山以界於江陰無錫常熟三縣故名三界山半麓爲香山寺建自梁大同中寺有山茶樹相傳爲昭明太子手植寺左有文選樓

由里山在縣南十五里郭璞條山記云由里山前瓠子岡山之得名以此或曰山四面皆九里譌九爲由或曰兩峯相倚如妯娌名妯娌或又曰山有石磧作鯉形名游鯉西曰楊梅隴其南葛文康墓在焉由墓而下爲冷光亭爲九蓮菴其西爲山居菴山人李寄棲隱處折而東爲松蔭菴上有白龍洞山巔作雲邦人以爲雨候其旁小峯北落者前志分此爲華山

毘山在縣南三十里俗名時山以有時姓居此也有寺曰

能仁亦名中山寺

慶山在縣東南五十里富杯河之南以慶雲里得名一名

盤石山界屬江陰金匱間

青山在縣西五里形甚卑小寰宇記云上有干將鑄劍鑪

九所又名九鑪山

秦望山在縣西南三十里南徐州記暨陽縣西有秦履山

是也其峯有三曰頭茅峯二茅峯三茅峯皆建元帝殿

其頂二曰烏塔曰箬帽武陽諸峯環列左右東曰雙奶

山兩峯並立西曰仙人墩俗呼蘆岐山墩下蘆岐菴烏

窠禪師放螺異跡在此其東支曰雞籠山與砂山雞籠名同地異

焦山在秦望山北舊志云樵山之譌

觀山在焦山北山頂如屏東西分嶂諺稱觀山頂上玉屏

風者也其前兩峯矗立一道中通曰觀山門其西南支

曰丁國山

高山在觀山西俗稱舜過山北岫爲唐人魏璞隱居處今

其地尙名魏村山南有野山嘴入陽湖界

白石山在觀山北岫如伏獅又名獅子山山產白土如石

可磁可罐陶者取焉

前栗山在縣西六十里山不甚高而單椒獨秀山旁多種

瓜味甘美今稱前栗瓜是也

萬壽山在城內學使署後舊志不載蔡志謂諸山歸宿處未習形家言不能定其說也附識於末

江

揚子江在縣北二里西接武進達京口北越靖江抵通泰東達常熟又東流入海中有段山巫山石釘三角等沙江湖一日夜再至呼吸萬里吐納百川旁灌諸港

湖

芙蓉湖距邑南境三十里以湖水繞三山下名三山湖又名射貴湖地隸無錫陽湖兩邑其東壤屬江陰者則馬家湖也隸於青陽夏城黃橋三鎮之間與芙蓉湖接壤

中界一塍前代時澄波千頃葭菼叢生固汪洋一大瀆澤也明宣德時巡撫周文襄塞湖爲田築土爲隄凡關芙蓉湖田三萬六千畝屬陽錫兩邑馬家湖田七千三百畝

屬江陰

四圍長河繞之所築隄廣數丈各圩田塍野列村落碁布芙蓉湖境稍低湖心尙有方沼數十畝爲當日遺蹟馬家湖則皆膏腴沃壤非復舊觀惟淫霖水溢墟落浸漫居民拏小舟出入有浮家泛宅之慮焉

前湖在縣東南隅南唐時何氏女避亂遇賊不屈自投於湖卽其處也舊爲巨浸築城後盡塞爲田僅存小沼人猶指爲湖云

胥湖在縣東四十五里相傳伍子胥入吳過此擊劍而歌
因名胥歌村湖在村側

繖墩湖在縣東三十五里宋紹興間詔為放生池湖中土
阜傳為吳王第八子墓宋志云其地四十七畝有奇今
四周水僅尋丈寔非舊矣

暨陽湖宋志云舊經在縣東十五里又有螺州並莫詳其
所在

河港

內城河

南轉河

東轉河

以上詳見城池

鄭涇河在朝宗門外自高橋分流入端明橋西行二里許

至龍鬚河口合南轉河北入江萬曆三十六年兵備道

蔡獻臣以諸生尹嘉賓請檄里民開濬

龍鬚河一名新河在澄江門外自永定壩繞西而南接鄭

涇河向因殺江潮水勢疏之今為兩轉河通黃田港之

道

黃田港在澄江門外春申君開以漑田故名為江潮出入

之總匯前志俱以貫城闔南出而與九里河接者為舊

渠今築永定壩港水西轉而入鄭涇河出端明橋南與

運河及應天河會

澄江河一名壇河在澄江門外引東轉河水北行而西繞

邑厲壇由澄江橋口入黃田港

鱗魚港在君山東引外城東轉河入江今久淤

右近城河港

夏港在縣西十里傳為夏禹所鑿故名黃志云南引五瀉堰過青場北至山

塘河口折而東過崇鎮出蔡涇閘北入江迤邐七十五里介縣境而中分之蓋江陰百瀆之宗經浙西列郡之喉舌洪荒以來禹跡所及固已有之非若申蔡諸港智糊而力為是故志河渠者必於是乎先焉今自

運河西岸蔡涇廢閘為入口處西行折北十餘里入江

其支河西行者北為浚宕溝又北曰吳涇河在葫橋鎮東出者曰聶家溝北曰南溝又北曰郭家溝曰陳皮溝

曰橫塘溝分支南行者為崇溝河一名龍游河長三十六里繞雞籠秦望蘆岐等山之陰向南行至焦墊接三山石堰之水又分支東通運河者為龍章河俗呼黃昌河

國朝康熙四十三年及四十七年雍正十三年相繼濬乾隆

四年知縣蔡澍重濬自蔡涇閘至港口馬橋內小石橋長三千八百四十八尺夏港葫

橋觀山蔡涇四並濬龍游河自夏港口至汪家橋陽湖界長二千六百六十六

丈一尺觀山近又疏通高家善岸聖斯三溝善岸高家

河各村莊濬中隔一田長九十步高家聖斯亦東西近接中隔田陸

長二百二十步三溝相望阡陌間之不相融貫善岸由

大河進潮尚無旱涸之患而高家聖斯水出橫塘河紆

迥而入潮汐難達且南近鳳凰白石諸山時遇淫雨山

水泛溢早澇交病乾隆七年知縣蔡澍相度形勢令買

分開惟觀山上四保與下五保以不肯協開許訟不已

宣洩通暢矣向例夏港河水本夏港葫橋觀山蔡涇四鎮

河港

雍正五年知府包括勅令下五保協挑三百十七弓後知府梁敦書飭照前議乾隆三十八年知府費滄仍照例協挑惟龍章龍游二河不在此例各保應挑段落悉照舊規勒石永遵

十三年署縣祖世

德濬十七年知縣張季賢濬五十一年署縣吳煥濬五

十七年知縣張曾枚濬嘉慶十一年知縣黃鶴濬二十

四年知縣蕭瑾濬道光十二年知縣陳希敬濬十八年

署縣陳延恩濬咸豐七年署縣何煥組濬同治十年署

縣周鼎濬

夏港支河原名都涇又名街河河身穿民房而居民覆橋

亭其上兵燹後頽垣破瓦充物其中同治五年里人吳

璋朱寶等稟請塞都涇河集資買田十餘畝引戴家河

港水開通至姚溝河直達三保西接范埠溝首尾造閘

以時啟閉三保農田藉資宣洩

龍章河 龍游河

國朝乾隆二十八年五十年觀山下五保民合濬夏城一保

附近田畝循例協濬

流皮港在縣西二十里分新溝水北行入江

新溝港在縣西二十二里自三山石堰北行三十五里入

江其支河曰黃溝長二十餘里南通陽湖又南曰橫溝

支河七又有橫塘河界溝河 明天順三年知縣周斌濬

東至觀山門西達陽湖界 七年主簿劉道濬萬厯間里民曹魁倡濬

國朝康熙三十八年知縣黃和中濬乾隆四年知縣蔡澍濬

自港口武廟至陽湖界長二千七十九丈並濬橫溝河

五尺虞門申港二鎮沾水利者業佃協濬

自新溝至陽湖界長一千二百二十二丈夏港鎮三同

四六保申港鎮一保虞門鎮一二三保業佃協濬

治八年署縣汪坤厚濬並濬橫溝河

申港在縣西三十里傳為春申君所開故名自陽湖界西

三河口北行至大軍橋又北過申港鎮之通濟橋迤而

東又北過劉郎橋西行過五相橋折而北過閘口長三

十餘里入江西面支河四順塘河通蘆埠港及利港西

河五北橫溝西橫溝橫塘河斜溝河俱通蘆埠港東面支

東界溝范埠溝俱通新溝港宋大觀間縣丞于溥濬乾

道間運漕姜詵知軍徐蕺大濬明洪武二十四年濬天

順四年知縣周斌濬宏治七年嘉靖元年俱濬崇禎間

里民繆應魁倡捐三百金濬港三十餘里知縣馮士仁

旌之

國朝乾隆四年知縣蔡澍濬自閘口至陽湖梅家灣長三千

兩鎮沾水利並濬范埠溝長九百六十二丈五尺夏港

田畝開挑鎮三保虞門鎮一三保業佃

協十九年四十二年重濬同治十年署縣馬鴻翔濬

利港在縣西五十里自陽湖界塘河入前周大小鬼涇西

北入南橫河經利城約二十餘里至丁墅入江支港曰

薛家浜宋大觀間縣丞于溥濬隆興二年知府劉唐稽

國朝乾隆四年知縣蔡澍濬

自上東潮溝至陽湖界長五千四百三十三丈五尺面闊十二

丈底闊四丈後梅前周利城桃花

丁墅諸鎮沾水利者分段開挑四十二年知縣趙源

治濬同治十一年署縣周鼎濬

照業佃協濬舊章

立埭河在利港西五里一名橫丹河自武進界東北行至

丁墅入江

東曰西城河亦名找溝更東曰東城河亦名質港

明永樂嘉靖間濬

蘆埠港在縣西五十里深廣與申利二港等南自陽湖網

頭河入北行逾順塘河西繞後梅轉北過普善橋東折

轉北過張全橋又過馬橋入江

其西面支港曰西潮溝又南曰橫溝河排溝河其東面曰後溝順涇

溝大脈河西由西順塘入東由東順塘入明成化間

僉事伍性濬宏治九年縣丞張銘濬嘉靖二年重濬

國朝康熙二十一年四十七年俱濬乾隆四年知縣蔡澍濬

自陽湖界至馬橋長三千十二丈五尺丁並濬排溝河

墅申港後梅三鎮沾水利田畝派夫挑濬長七百六十弓後梅利

城兩鎮沾水利者挑濬三十一年四十二年復濬道光

十五年二十三年俱濬咸豐七年署縣何煥組濬同治

十二年署縣金吳瀾復濬

桃花港在縣西六十里前明為海運故道南自陽湖界入

前周經利城丁墅至桃花入江支流為小橫河萬家河

花明洪武二十八年濬正統四年巡撫周文襄濬天順

三年知縣周斌濬宏治十八年通判姚文灝大濬並疏

申利立埭三港嘉靖元年濬並濬申利二港二十四年

知府符驗濬

國朝康熙三十六年知縣耿慶濬乾隆三年知縣蔡樹濬

長四

千七百九十四丈八尺內武江兩邑公開一千五十五丈八尺江邑全開三千七百三十九丈例於丁墅利城桃花前周四鎮沾水十八年重濬兩邑分挑段落三十利田畝業佃協濬有冊存縣永遵

一年四十一年繼濬

五斗港在桃花港東一名小利港今淤又東曰烏泥涇亦

淤

利大河桃花港西面支流也自桃花蘆墩橋南入口西南入利城又南至前周達南橫河北合桃花港入江明洪武二十八年及天順三年濬

南橫河自前周利大河口過永利橋東行北自青魚口入桃花港又東過桃花港口又東則南有虎塘涇通陽湖界又東曰鬼涇口又東曰小鬼涇口亦南通陽湖又東有黃泥涇又東過利港口至後梅又東至西閘為蘆埠港口港之南通網頭河達陽湖界蘆埠之東又有小橫河

順塘河橫亘利港蘆埠港申港之中自利港東入口過順塘橋貫蘆埠港又東達申港自蘆埠而西曰西順塘分支入排溝河其東曰東順塘分支入大脈河明宏治九年縣丞張銘濬

國朝乾隆四年知縣蔡澍濬

自申港大河口至順塘橋長二千四百十四丈申港利城後梅

三鎮沾水利田畝派夫協濬

右西境河港

黃山港在黃山東環山而西南為趙婆港其南流至土橋

入橫河西行由支河至鷄鳴橋引城外東轉河入江明

洪武十七年濬萬曆十五年知府譚桂濬

白屈港在蕭山東南引橫河水歷雙牌橋之東小石橋經

馮家壩朱家埭入江同治十二年署縣金吳瀾濬

河身自橫

河起至海口長二千五百五十二弓雙牌七保三官蕭山保業佃協濬

白沙港在三官鎮南引橫河水過白沙橋入江明洪武十

八年濬

國朝乾隆三年知縣蔡澍濬

雙牌鎮七保開三百七十五弓三官鎮一保開七百五十弓白

沙墩保開一千四百八十弓蕭山墩保開一百九十五弓同治五年知縣顏榮階濬

仍照向章

石牌港自司徒橋西引橫河過宦橋西北行入江

石頭港在縣東三十里自大橋南引橫河經鎮山東嘴至

橫套入江支港在橫河南者西有南橫涇北橫涇東有旱塘涇在橫河北者西有張公港官路港東

有永豐港新富港廟港

國朝乾隆三年知縣蔡澍濬

大橋鎮一保二保并兩墩保開二千四百五十七弓石頭港沙

各圩開八百三十五弓同治六年署縣汪坤厚濬

白蛇港在橫河南自雲亭三河口引應天河水東北行至周莊北四河口與清溪河亭子港合其分支者由張家灣北行經稷山東麓入橫河接石頭港入江

國朝乾隆三年知縣蔡澍濬

長六千二百十弓大橋周莊同長壽雲亭沾水利者均開

治十一年濬

照四鎮業佃協濬舊章

雷溝港在縣東三十五里有東西二港西自三保橋引橫

河水北過陳莊橋西雷溝橋與東港合東自胡仙橋過

段橋何彥橋東雷溝橋與西港合北行至橫套入江

曹塘港楊港

明洪武二十五年濬

國朝乾隆五十七年濬

大橋鎮三保雷東墩保業佃協濬

並濬陳溝港

陳溝港在縣東三十七里南引橫河過北廟橋又北行歸

橫套入江

東面分支為南馬嘶涇東行達蔡港又北分支東行轉北為曹青港又南馬嘶涇分支北

行為蒲鞋港

明洪武二十五年濬

國朝乾隆四年知縣蔡澍濬

自橫河口至港口長一千九百一丈二尺大橋鎮五保業

佃協

同治九年署縣馬鴻翔濬光緒元年知縣沈偉田

續濬

自南套河至朱家橋南達橫河曲折繞大橋鎮五保四保丈見二千九十五弓大橋鎮四五六保業

佃協濬內沿橫河之三百六十弓俗曰公河除周莊鎮協濬外向係后塍街市當商鋪戶捐桃

南北蔡港在縣東四十五里自閘橋東北引橫河過興隆

橋北行過沈家橋歸橫套入江橫河南面為南蔡港自

閘橋東南行過北新橋

又南行分支為化成港其東行者過濟凝橋南過太平橋恩莊

橋分支南通谷瀆港又南過通濟橋馬嘶橋南新橋至蔡港口與長河東新河合而東流明洪武二十五年濬

國朝乾隆四年知縣蔡樹濬南蔡港

自章卿開至馬嘶何彥壩基長三千八百二十四丈八尺章卿潔效必改四字號應開一千四百二十九丈三尺八寸內有才良知過得樓六字號向例止開橫河不開蔡港者亦認協開五百三十弓俟開橫河時潔效必改四字號亦協開五百三十弓彼此均濟具詳立案其餘慕貞男三字號應開六百八十三丈四尺二寸又華東鱗潛帝三字號馬嘶衣位有陶唐罪六字號其應開一千七百七十二丈

並濬北蔡港 自章卿開至北壩基長一千七百七十二丈 同治七年署縣汪坤厚先開六百六十九丈章卿知過兩字號開四百二十一丈

濬南蔡港南段

自馬嘶南房巷起至何彥壩止河長二千二十三丈五尺

九年署縣

馬鴻翔繼濬北段

自何彥壩起至章卿開止河長二千一百二丈五尺

並濬北蔡

港

自開口起至北壩基止河長八百三十丈均循照舊章業佃協濬

泗港俗名私港在蔡港東三里久淤

國朝乾隆四年知縣蔡澍濬

長二千餘弓章卿才良得樓四字號業佃協濬

范港在泗港東三里屬楊舍鎮南流入橫河明洪武二十五年濬

國朝乾嘉間節次疏濬光緒二年知縣沈偉田濬

港東為包港今已塞

谷瀆港在縣東六十四里其南自北角引長河及東新河水北行東過黃崎橋迤北過唐墅又北過黃土橋迤西

北至陶家灣過楊舍堡城東又北行橫河自西來會又

北過斜橋至馬橋北袤延三十里入江明洪武二十五

北過斜橋至馬橋北袤延三十里入江明洪武二十五

年濬天順二年知縣周斌濬萬曆四十四年縣丞余茂先濬

國朝嘉慶二年二十四年道光十六年馬嘶楊舍兩鎮呈請

挑濬

楊舍在縣境之極東清水南來者至北角而止楊舍遠隔二十餘里不能挹其餘潤所恃以入河達

港者惟江潮今令節港范港包港俱阻扼不通引納江潮者惟谷瀆港及橫河引各港之潮耳然濬橫河者諸段不能實力開挑泗港一帶尤為狹淺濬谷瀆則馬嘶諸保阻撓苟且率責致坎莊一帶尤為壅塞谷瀆淤則旱潦交受其病向例自密墩溝池南至黃崎橋係馬嘶弔民伐罪四字號照田開挑自密墩溝池北至子孫橋東面長一千八百十三弓係楊舍恭維鞠傷四字號沽水利者開濬自子孫橋至斜橋長一千四百八十五弓係楊舍毀女盤三字號沽水利者開濬惟斜橋至江口長四百三弓合恭惟鞠傷女毀盤七字號平田均攤公挑
同治六年署縣汪坤厚濬

河身自令節港起至密墩溝止丈見長一千九百十

三丈七尺挑土八萬五千九百三十方七釐均楊舍鎮沽水利者承挑自密墩溝起至黃崎橋觀音堂止丈見二千五百二十八丈九尺挑土六萬八千四百三十八方四分六釐均馬嘶鎮沽水利者承挑循照舊章業個協
同治十一年署縣林達泉再濬

令節港在谷瀆港東二里宋政和間縣丞楚執柔濬並濬

市墩河今淤

蔡志云港形已失

界涇河在谷瀆港東三里東為常熟界

橫河在縣治之東橫巨邑境東西凡七十里東抵常熟界

西自東關永安河口轉北經土橋

分支北行由黃山港入江司徒

橋

分支北行由石牌港入江

大橋

分支北行由石頭港入江

又東過

顧家橋

橋西分支北行入大頭楊家許家等

歷袁家橋

清溪河來會

南面支流為嚴松涇嚴家涇北面為小涇河家東涇

又過東陳溝口

南面支港為陳三涇黃泥涇蔡家涇北面為張家涇宋家涇

南過橫橋又東過護龍

橋土名蔡港貫焉

北行由橫套入為北蔡港南行經馬嘶入南長河為南蔡港

又十

餘里接楊舍城凡經雙牌三官大橋周莊章卿楊舍等

鎮聯絡諸港吐納江潮灌溉東境田疇數千頃宋天禧

間知軍崔立創開嘉祐間縣丞楊士彥濬政和四年知

縣王有濬明天順五年知縣周斌濬正德九年知縣萬

玘濬嘉靖元年知縣王泮濬萬曆十年又濬

國朝康熙四十八年五十年雍正四年俱濬乾隆五年知縣

蔡澍濬八年復濬

自東關永安河至楊舍接常熟界計七十餘里長一萬二千四百四十七

丈四尺雙牌一保濬橫河一百五十三弓四五六七八

九十一共八保濬橫河二千二百十五弓一保又濬

永安河一百八十二弓二保三保濬永安河一百八十

二弓三官一二三四五六保濬橫河二千三百三十二弓

大橋一二三四五六保濬橫河三千三百七十六弓三尺

五寸周東一二三保濬橫河五百八十四弓周西一二

三四五保濬橫河一千七百二十五弓章卿一保至十

一保并泗港墩保濬橫河二千四百九十七弓五尺又

趙氏認開公河四十弓楊舍四五六保并范港墩保濬

橫河二千三百二十弓二尺五寸一二三八保及馬嘶

四保濬谷瀆港 十八年二十五年三十二年四十八

年俱濬嘉慶二十四年道光十五年又濬同治七年署

縣汪坤厚濬

通河酌分五十四段每鎮每保應濬段落確照舊章惟雙牌鎮界內永安河三百十

六弓逼近街衢向歸頭二兩保挨戶捐錢僱夫供役卽

諺稱排門河者此次畧變向章蓋以房屋既經燹廢無

戶可捐由雙牌耆董呈明在本鎮四保至十一保田畝

內協濬一次通計河身用戶部弓丈見九千三百五十

四丈七尺核挑土方九萬一千一百一十二方九分支用
經費錢七千四百二十三千一百一十六文 按斯河失
濬已百有餘年其中雖經疏濬終未深通致大橋迤東
至楊舍三十餘里幾同平地蓄洩失宜農民病焉適山
陰汪坤厚來攝邑篆毅然以深濬為任集眾議率舊章
就雙牌三官大橋周莊楊舍章卿六鎮得沾水利民田
按畝起夫業佃協濬以是冬興工閱三月歲事河面有
五丈至七丈之闊河底有二丈至二丈五尺之寬河岸
有一丈四尺至二丈八尺之高尤時時親至河干在十
泥淖中奔走督責民亦忘勞穹碑屹立誌勿緩焉
一年署縣林達泉續濬 自朱家橋至楊舍二十餘里本
屬懸殊因再濬焉此次永安河雖有鋪戶可捐
然終形不足仍循上屆章程以後永照舊章矣

觀莊河在縣東十由雞婆墩分支東流入千金斷又分
支南流過松橋浜與應天河合

市墩河在縣東四十五里沈志引宋政和治河記云市墩

承蔡港之下流疑即蔡港之南蔡志云今塞

右東境河港

運河一名經河南自四河口引五瀉河水過淳塘河漕港

河口北至青暘月城塌水港自西來會又北過馮涇河

至三河口山塘河亦自西來會更北過崇溝河峯鎮橋

蔡涇鎮 其支流為蔡涇河北流 再北為九里河經五里

亭 支流為高泗 歷五雲橋 支流為 其直達城濠者曰南

潮河自錫邑至此長四十五里為漕船來往之經途通

邑河渠此為要匯宋皇祐間知軍葛閱集粟二萬斛給

民濬之後知軍邢燾知縣張宗濤繼濬明宏治間水利

主事姚文灝議大恢拓恐妨民田且資力不給遂止正
 嘉間知縣萬玘孫應奎趙錦嗣濬萬厯末同知萬建侯
 濬崇禎間知縣馮士仁濬

國朝康熙三十七年知縣耿慶濬

是時并開內城河通縣均

五尺每丈用夫二名共派一千八百九十一夫運河自
 南外三叉河至蔡涇石牌此段因兩岸高聳起土艱難
 每丈用夫三名共派四千六百三十夫五分自蔡涇石
 牌南至月城小青陽庵此段平坦每丈用夫二名共派
 八千九百二十夫以上九里河計一千五百四十三丈
 五尺經河四千四百六十丈又城河運河大小壩二十
 座派夫填築用一千四百八十八夫通
 縣共派一萬六千九百二十一夫
 四十二年知縣陶

彝濬五十二年知縣陳協哲濬乾隆二年知縣蔡澍領

帑募夫挑濬 河分十六段第一段自南外三叉河至庵
 基長三十七丈五尺原估面寬六丈底寬

三丈開深四尺每丈計土十八方舊河形面寬四丈深
 一尺五寸斜坡折深七寸五分應除舊土三方實挑新
 土十五方共挑土五百六十二方五分 第二段自菴
 基至二板橋長二百四十二丈五尺共挑土三千六百
 三十七方五分 第三段自二板橋至五里亭長三百
 四十七丈原估開深五尺每丈計土二十二方實挑新土
 形深一尺斜坡折深五寸應除舊土二方實挑新土二
 十方五分其挑土六千九百七十方 第四段自五里
 亭至斜涇河長一百一十丈共挑土二千二百五十五
 方 第五段自斜涇河至井亭橋長二百七十七丈原
 估開深五尺五寸每丈計土二十五方應除舊土一方
 形深五寸斜坡折深二寸五分應除舊土一方實挑新
 土二十二方 第六段自井亭橋至張涇橋長七十七丈
 分五釐 第七段自張涇橋至蔡涇長四十七丈七
 尺原估開深四尺每丈計土十八方舊河形深二尺七
 坡折深一尺應除舊土四方實挑新土十四方共挑土
 一千八十七方八分 第七段自張涇橋至蔡涇長四
 百二十六丈五尺原估開深五尺每丈計土二十二方
 五分舊河形深一尺斜坡折深五寸應除舊土二方實
 挑新土二十方五分其挑土八千七百四十三方二分

五釐以上七段俱有高岡 第八段自蔡涇至譚涇橋
 長一百九十三丈五尺亦每丈實挑新土二十方五分
 共挑土三千九百六十六丈七分五釐 第九段自譚
 涇橋至黃昌溝長六百四十二丈五尺原估開深四尺
 每丈計土十八方舊河形深二尺斜坡折深一尺應除
 舊土四方實挑新土十四方共挑土八百九十五
 方 第十段自黃昌溝至山塘河長三百三十二丈五
 尺亦每丈實挑新土十四方共挑土四千六百五十五
 方 第十一段自山塘河至馬涇河長二千六百五十五
 方 第十二段自馬涇河至月城橋至
 開深五尺每丈計土二十二方實挑新土二方
 坡折深五寸應除舊土十三方實挑新土二方
 挑土四千二百二十三丈亦每丈實挑新土二方
 城橋長六百六十五丈亦每丈實挑新土二方
 挑土一萬三千五百三十方 第十三段自月城橋至
 閔家橋長七百二十五丈原估開深四尺五寸每丈計土
 十分應除舊土三方實挑新土一尺五寸斜坡折深七寸五
 分 第十四段自閔家橋至章
 一萬二千一百九方五分 第十五段自
 家浜長四百八十四丈五分原估開深二尺五寸斜坡折深
 計土十五方七分五釐舊河形深二尺五寸斜坡折深

一尺二寸五分應除舊土五方實挑新土十方七分五
 釐共挑土五千二百八十八方三分七釐五毫 第十五段
 自章家浜至南新橋長五百八十三丈原估開深三尺
 每丈計土十三方五分實挑新土七方五分共挑土四千
 五百七十二方五分 第十六段自南新橋至大士菴
 三百七十四丈亦每丈實挑新土七方五分共挑土
 基長四百二十六丈以上九段俱平坦通計土方九萬
 三千九百九十二方九釐五毫每方請給銀八分該七千二
 一兩一錢九分二釐五毫內南外三叉河至蔡涇共土方二
 萬九千八百三十四方八分因岸高難於起土每方請
 增給銀四分該一千一百九十三兩三錢九分二釐其
 計銀八千三百九十四兩五錢八分六釐連築壩岸水
 通共估銀九千三百九十四兩五錢八分六釐除樁木變抵
 銀四十五兩一錢八分實用銀八千九百八十六兩三
 錢六分六釐工竣冊報奉部駁減土方銀四百五十三
 兩二錢六分二釐又緣陰雨連綿加增車戽添給夫工
 并督工官薪水書役地保飯食紙張等項蔡樹捐廉賂
 補 三十三年總督尹繼善巡撫陳宏謀奏請開挑運河

嗣後可用民力免動公項嗣於三十八年五十二年嘉慶八年二十年道光六年十六年民力開濬通縣均役起夫分段細冊縣吏掌之築壩屏水通河各事宜簽董經理並派佐貳官分段督工咸豐八年署縣何煥組重濬仍照向章同治十二年攝縣事金吳瀾稟請檄前署縣林達泉會濬歷屆開挑按畝起夫兵燹後田畝尚有拋荒未能均役因變通舊章就啟征田數按畝隨漕忙分捐錢三十六文僱夫挑濬通河酌分八段遵用省垣水利局弓簞丈見五千六百七十五丈一尺挑土六萬三千八百九十七方八分三釐每方給錢二百四十四文加以壩座椿木屏水撈洗費各項經費共支錢二萬六千九百九十九文四十二文餘錢二千一百九十九文呈請撥入賓興生息

高泗新涇河在五里亭對岸運河支流也

國朝乾隆四年知縣蔡澍濬自運河口至謝園長三百四十一丈為高泗河自高泗河口至

謝園高頭田畔長二百十丈為新涇河並係謝園一三三四保業佃協濬

斜涇河在縣南八里自運河五里亭分九里河水經由里

山南歷謝園花山蕭岐三鎮長十五里支河東南與馬涇河合亦通馬

國朝乾隆四十三年五十一年濬謝園蕭岐兩鎮業佃協濬

馬涇河在縣南二十里自月城橋北分運河水東行至蕭

岐分支北出者為馬涇河歷臯岸北過周泗橋與長壽河匯南行

過丁岸橋與璜塘河匯

國朝乾隆三年知縣蔡澍濬自運河口至蕭岐長九百五十九丈一尺月城蔡涇謝園蕭岐

四鎮沾水利 三十一年四十二年五十二年 濬同治十

一年署縣周鼎濬 照業佃協 濬舊章

馬涇河東連斜涇西接馮涇北通黃土溝引運河潮水嘉

慶初年陳姓捐資開濬後久經淤塞光緒二年知縣沈

偉田重濬 河身一千三百二十弓謝園六七兩保 蔡涇七一保峭岐九一保業佃協濬

山塘河在縣西南二十里自武邑匯水橋引三山石堰水

繞秦望白石諸山東北流經張公橋燒香橋雙橋出三

河口達於運河

國朝乾隆三年知縣蔡澍濬

自運河口至匯水橋長三千六百八十二弓夏城各保業佃協

同治十二年署縣金吳瀾濬 照業佃協 濬舊章

漕港河在縣西南二十五里自四河口分流西行折北與

山塘河匯

塌水港在山塘河南自楊淮口東北流出月城北達於運

河

淳塘河在縣南四十里其河有二曰前後淳塘河 一自對 塘頭橋一自青陽市南東岸分

流經渡船橋與前淳塘河匯

南長河自匯水橋西東南行過蟹姑尖黃塗壩對洞橋 運

西即漕 穿運河而東過塘頭橋 自對洞橋而 再過璜塘

河口經北瀦達馬鎮 五瀦河水分支自燕 橋來會即馬鎮河 歷西洋白蕩

五瀦河水分支自崇村 又東北至西洋橋 自馬鎮至此 橋來會即西洋百丈河

過富杯河口至塘石堰繞祝塘鎮自西洋橋至此即直塘河又東北

過新塘橋達八字河口過跨塘橋長涇河自南來會此下即東長河之尾與

常熟通流者又東泰清河及蔡港來會又東過白蕩橋谷瀆

港來會又東過北角東新河顧山河自南來會又東北

過永安橋入常熟界按各志俱不載此河蔡志始立此名蓋自郡至常熟道也今仍其舊

而注明即某河港庶不至複混云

右南境河港

應天河一名長河自八字河口引南長河水北行過周家

橋北面支流為泰清河通華墅西歷劉家橋北面支流為周莊河茂墅橋南面支流

為長壽河西北至三河口北面支流為白蛇港通大橋周莊鎮歷雲亭橋北面為松

橋浜南面為麩香浜繞定綺諸山由迎福橋西入運河明嘉靖七

年知縣張集濬

國朝乾隆四年知縣蔡澍濬自南外三义河口至茂墅橋長四千九百十二丈九尺南外

保謝園一二保雙牌三保綺山花山雲亭長壽周莊全鎮華東四九保華西一四六七八九保馬嘶二三五六

八保業佃協濬嘉慶十五年道光元年俱濬十八年署縣陳延

恩咸豐七年署縣何煥組俱濬

長壽璜塘河在縣東南三十里自馬鎮璜塘河口北行歷

前馬橋經璜塘北過須茅又北會馮涇河經長壽鎮至

四河口入應天河

清溪河自周莊浜口分應天河水北行經後過橋亦名至後郭

周莊市接亭子港白蛇港口轉東向北歷承西橋清溪橋入橫河

國朝乾隆四年知縣蔡澍濬自後過橋南至亭子港口長二千四百三十一丈周西鹹河淡

三字號業佃協濬同治十二年署縣金吳瀾濬自四河口向北抵橫

河共三千三百七十一弓歸周東稱夜光周西鹹河淡

大橋岡字共七保沽水利者業佃協濬自四河口向南至北新橋歸沿河沽水利者按畝派工自北新橋至朱

公橋為市河為大橋迤北一帶船隻往來要道向歸后

勝出資開浚此屬仍照向章

亭子港一名錠子港自周莊鎮北之四河口西會白蛇港與清溪河接而北入橫河

國朝乾隆四年知縣蔡澍濬自四河口至橫河長二千三百六十丈七尺周西海鹹河重四

字號業佃協濬同治十二年署縣金吳瀾濬

泰清河自應天河桑家浜入繞砂山而東過湖塘橋南出

馬崎浜仍會於應天河自湖塘橋南行至犁頭尖分二支東行者至三條灣東南屈曲

出南長河南行者入紅染浜轉西亦入南長河

國朝乾隆四年知縣蔡澍濬自河口至華墅青龍橋長一千三百五丈四尺華西二三五保

華東一三五六七保業佃協濬

南新河一名富杯河在縣東南六十里自西洋橋北分支

東行過文林富杯西有西莊浜門村浜東有孔涇浜塘下浜又東過何相橋

經河塘橋入東新河明天順二年知縣周斌濬

東新河在縣東南八十里引錫邑五瀉河水東北行過習

禮橋東行至南角橋南過陳墅至黃莊入常熟界其自南角北行者過萬歲橋至北角達南長河

支流為湯村河西行過長

涇之北宋政和間縣丞楚執柔濬明洪武二十五年重濬

長涇河自東新河入口迤西過長涇鎮又西北行出南長河

裏岸河自顧山發源西過新橋分為二支一向西南行至

陳墅東與東新河合一向北行過省度橋又北至北角

入南長河

倪塘河在縣東九十里由谷瀆港而東南至顧山入無錫界

便民河在縣東南六十里由長河轉東南而入新河今塞

右東南境河港

新南套河在后塍之北壽興沙之南

陳志載橫套河在蔡港石頭諸港之北道

光年間坍沒惟距巫山港二三里尚有舊址近亦淺淤東北接新套西由巫山港入江咸豐年間

沿江復漲南北毘連各港水道不通同治四年董事曹

毓琇等於新沙中間韓家港對峙疏鑿是套迤西十有

餘里分為二支一折北穿海壩達江口與北套合流入

江一繞西南循故套舊址達巫山港入江同治十二年

復於韓家港對峙迤東接鑿十有餘里西引江潮東距

熟界川港里許蓋東西合計二十餘里矣為南北各港

總匯水道 所需挑工經費概歸得沾水利農田按畝均役

北套河在壽興沙距南套三四里東自熟邑川港起過南
北各港二十餘條西盡老夾口綿亙二十餘里與新開
南套合流入江自咸豐年間南北增漲離江浸遠淫雨
則水無所洩旱則潮不內達疊遭歉歲沙董徐正育吳
之屏等於同治三年募捐鉅款買田疏鑿六年十二年
董事鄭經兩次募捐疏濬光緒二年知縣沈偉田重濬
詳請以得沾水利農田每畝捐錢十四文分忙帶收以
充車壩辦公經費仍按畝均役 計是套長三千六百餘丈面寬八丈底寬四丈挑深六尺為各港水道總匯之區潮沙易於停淤時有壅塞之虞而歲收之豐歉視此每以工多費鉅疏濬為

難光緒三年沙民集資報買該沙北面新灘二千畝
詳請撥歸寶善堂經理俟成田收息以充水利公用

穿港 自南至北計二千二十九丈

大檀樹港 南通北橫套北至明溝港計七百二十二丈

明溝港 自東至西計三百丈

小檀樹港 南通南套北至明溝港計一千九百三十丈

姚家港 南通南套北接疑頭港計一千三百三十丈

段頭港 南至北橫套計五百丈

韓家港 南通南套北接山港計二千一百十四丈

渡港 橫通韓家港計五百五十丈

天生港 南通南套北接繆家港計一千二百六十三丈

繆家港 南接天生港北至和字

新橫港 東通繆家港西通十

夾港 南通北套北接思賢

直港 自南套至北套計

水洞港 南通橫套北至官工

六成圩港 北通穿港計五

天字黃字圩港 北通穿港計八

朝東圩港 南接明溝港北達大

疑頭港 南接姚家港北達大

山港 南接韓家港北達大

泰字圩港 南至官工北達

思賢港 南接夾港北通大江計

護漕港 北達大江計四

永通港 北達大江計二

廣昌圩港 北達大江計

夾廂圩港 西通陽灘港計

北天生港 西通陽灘港計

陽灘港 北達大江南至十

掘港 北通套口計

木排港 在南北

龍泉港 在南北套中間

右瀕江各沙河港

附

白茆塘在常熟境

國朝康熙二十年巡撫慕天顏疏請開濬以塘為蘇常兩郡

要津邑之東境水利資其蓄洩檄令協夫助濬雍正五

年山東巡撫陳世瑄按臨督濬知縣陳陞誠奉文襄事

夫數以十分計派常熟當其四太倉當其二長洲崑山無錫江陰各當其一

借帑協開限以三年攤徵歸款 按白茆塘係常熟洩水要道前因江邑曾協濬

而附載此今又數經大濬役不及江同治八年借藩庫

銀協濬限以三年攤徵歸款 奉檄派定工役仍以十分計常昭當其五崑山長洲

元和無錫江陰各當其一徵銀七千兩續加修築石閘

工費銀一成九百兩復加不敷工費銀六百兩在閘邑

啟徵田畝內隨漕糧分收 按是河本隸常熟乾隆三十五年後數經大濬役不及江邑此次大憲檄飭查

照江南水利全書酌派一成經費 雖疊經呈請優免終未邀准也

徐六涇在昭文縣境同治十一年借省垣水利局銀協濬

工役素未及江邑此次仿照白茆河成案均作十分江

陰協一分在合邑啟征田畝內隨收銀一千三百八十九兩一錢七分歸款

與知軍徐宗丞論水利劄子

宋邑人曹密

竊見江陰地勢在浙西最為卑小當運河下流與常州地界參錯其水自常州經由中港利港以入於江逐時潮汐卷帶沙土壅塞港道至春夏之交雨水無從發洩或已布種而淹沒或水不退而失時况丹陽練湖白鶴

諸溪之水西自常州黃江堰來每上水大必決而入於江陰其南太湖震澤吳淞梁谿一帶水大又皆溢於運河皆自五瀉堰奔衝而下申港利港出江之口不快其水聚而不出不知江陰疆界多少而能受諸處有入無出之水乎其害惟江陰尤甚今幸有出江之口不能疏鑿而使之通宜乎無有豐歲公利所失益多民亦漸皆流徙若非大府矜憐哀憫特為申明則二港之河終不能開鄉民無從得食矣

乾道申利治水記

宋教章洽

上卽位之二年歲在丙戌詔遣轉運副使姜公詵按視浙西四郡水利與守臣條具以聞遂以八月次於江陰知軍徐公蕝相與研究利病延見父老審訂其說曰江陰北臨大江地勢洿下潮汐往來浮沙停淖港瀆善淤夏秋淫雨浙西數郡百川並委瀕港七鄉並湖三山低昂之田混為一區尋丈而增膚寸而落十年之間淹沒者一百六十七萬餘畝歲蠲秋苗以一二萬計公私病焉故申港利港皆宜治蔡涇之牖西通夏港大江之潮由之以上下東連漕渠五瀉之水因之以盈縮摧廢既久亦宜治乃並銜上奏有旨以丁亥歲興申港之役已

丑歲濬利港輟為御之資以充經費越孟春正日鳩徒攬工兩役並舉軺車隼旟聯轡於邁撫勉存問眾說忘勞迨仲春二十三日迄工起三河口以西折北抵江地與毘陵犬牙相錯分治其在吾境者二十九里深九尺廣六丈下流之廣幾倍焉用工三十六萬有奇牖之故址距河遠兩翼迫蹙波流悍急易以頽壞乃移基並東直抵漕渠拓而大之易木以石屹然對峙長各有十丈四尺高一丈八尺土木鐵石之工萬有九百費錢以緡計者三萬二千三百有奇米以石計者一萬一千四百有奇而二利興焉出陂澤為平疇變沮洳為膏壤七鄉歲入增十餘萬石毘陵諸邑固當倍蓰凡浙西之田陰獲利者又不知其幾千萬頃也蓋自嘉祐六年朝廷遣都水監簿相視河渠郡守都官郎中楊士彥建議開導檫柱等六河不及申利二港厥後水利不講且踰百禩而蔡涇牖壞已二十年矣至是工役游興徐公曰動大眾建大利幸聖君矜吾民財用許出於官而郡止一邑調度不支且奈何重費大農吾再歲於此摘姦欺汰浮冗銖積寸累凡得緡錢一十萬非以備乏絕將焉用建牖濬港既以是充且謂利港在毘陵之利多宜以屬之而江陰所宜增濬漕渠下通黃田以防汎濫絕壅

滯預請於朝儲所贏錢六萬八千六百緡命郡從事王
宗掌之以備他日工役之費報可聞者太息咸謂上不
耗國下不斂民則是舉也善之
善矣始敘顛末俾來者有考云

嘉定開運河記

宋簽判 蔣惟曉

古暨為今偏壘實楚春申君封邑食客侈於四公子至
我朝而珠璣魚蟹之富尚見於詩人之詠歌比年以來
乾溢相仍民貧而郡亦凋敝夷考其故蓋地勢中窳南
仰所恃以為利者遠湖近江達於渤海導河自城闈南
出黃田西距五瀉最大日漕渠其播為支派真若瓜蔓
蛇足可漕可洩不獨資農田灌溉之用而江淮川廣風
檣水柁皆於此焉寄徑其利實徧於東南今也歲久不
治積沙反壤綫流如陸農桑商販官運家供往來交滯
於是畎畝川澤守之息疑若地愛其寶鱗次尾銜之舟或
不願出於其塗守地者非忽然不以動心錮於力之弗
逮則勇為之志沮矣嘉定己卯春邢侯燾以扈丞出守
政足以召和而年屢豐才足以行志而事易舉越明年
乃濬九里河以疏游土會水澤腹堅雨不時若而漕河
亦病於膠舟旅於餒舶者羣謁臺使而河議興焉乃經

乃度乃宣乃理爰卽其所酌從其宜命縣令張君宗濤
董其役起自崇鎮之椽橋極於青陽之屠聖地以里計
者倍十而遙役以鄉受者纔四而足面之濶為丈者八
底則五之深如其底十之一時也風林霜斂霽景溫如
濕不濡足稟不栗膚天從民欲萬雷歡趨太守率屬行
視目注指顧舒疾逸勤瞭然掌見勸懲有差一出而集
縈紆回折若螭蟠蛟旋夷曠淵淳若縠縐練曳征帆交
錯如飛如馳若螭蟠蛟旋夷曠淵淳若縠縐練曳征帆交
斷港絕潢交流旁注因其餘力又自椽橋而上逆於朝
宗門陸續鳩工城外內之河渠頓還舊觀夫銳於至而
倦於去此人情也奮於有餘而尼於不足此事勢也今
部使者趣還於前郡太守報政於後乃能以人情之怠
者為勤事勢之難者為易茲一役也而二美具焉然而
侯之心方慮乎潮汐委輸易積難散目前之利不越數
年力役數興利反為病乃括戶籍之沒於官者專置司
存掌其歲入弗以他用每於農隙歲一舉行不以濬治
費民期為永久之利民德侯之深而惜其歸之不可留
也乞鑿諸石以垂不朽觀侯之為郡化凋為饒開山蹊
以通道植橋梁以利涉治舍館以逆賓下而園池器物
之飾亦煥然一新蓋百廢具舉而此其尤也是役也為

丁夫九千三百二十有七始事於仲冬之晦歲除而工
畢惟曉獲從寮吏目觀盛舉故樂慰邦人之意姑志其
歲月

九里河議

明通判 姚文灝

東南諸河惟此易壅推原其故蓋有三端一黃田潮
來自東而西蔡涇潮來自西而東交衝互激會趨斜涇
湧滾泥沙積聚腰腹一隘崖勢高陡疏鑿既深岡阜壁
立積水之後遇沒輒崩少剝一隅便壅數丈一是中吳
地勢沿江有山為之包防近山土壤池運隆起山脈引
帶生氣流通日漸增長如古書傳所謂息壤造化之里
則然不足為怪坐此三故人必察除以致此河最易堙
廢今欲開挑務圖遠利毋規近功必先鑿去兩岸積土
使與裏田相平卻又鑿去兩岸本身各一二丈坡陁其
勢以漸入河如馬槽狀期兩年功程成就此事先年止
是修岸次年方可開河但農民孱弱力不任事官府拘
役人不樂趨久勞無功志又怠懈合無量令該役人夫
出辦食費錢物官為收貯雇倩靖江等處專業土工包

辦開挑取其所必費而免其所不欲為還其土夫自作
本業官省程督民不失農兩皆便益再有明效但削壓土
官銀錢轆助其議如此使有得施行必為政久而得民
田過多或致貧民失業惟有才良長吏為政久而得民
深積累經畫購買諸田財力充餘調度整暇徐依原議
以漸為之而又相度形便改鑿河口別出蔡涇之南拒
卻蔡涇潮流不使東行以相衝鬪則百數十年流通必
可坐策而江陰之民或少息肩矣漫志之以備後之君
子講焉

開申利桃花三港記

明知縣 黃傳

國朝宏治辛亥以來三吳災沴頻仍而壬子尤甚自冬
十一月至明年春二月恆雨既入夏猶斷續不即休積
潦騰湧匯為巨浸魚鼈且入市巡撫都御史何公鑑大
懼驛書以聞詔工部侍郎徐公貫來視便宜處治之於
是訪異能詢黃髮考故事采眾說而本府通判姚公文
灝以其習察熟圖之策獻焉於是建議以為三吳地形
東北傾蘇松常三府東北屬縣百川之所取道以入江
海而灑江並海之處岐流支浦探刺內地鈞絡漕渠者

是謂斗門斗門壅則愈益彭亨怒鬻橫奔禍逾烈矣乃發丁
決去二十萬以十五萬東治吳淞七浦白茆於蘇松以五
萬北治申港利港桃花於江陰武進縣丞關勝主桃花江陰
米五斗放散儲廩若干萬武進縣丞關勝主申港而姚公實撫
典史黃泰主利港無錫典史劉寰主申港而姚公實撫
摩督察之蓋奔走暴露於冰霜草莽者六十晝夜王子
甲寅冬春之接也三河之役利港為最力赤塊黃茅僅
辨形跡曾無濡筆之潤鑿平陸而窪之丈有奇有事之初
十尺底減三之一長三寸五分百三十丈有奇有事之初
姚公為壇告神畢卸衣冠操畚鍤塗手雨汗負土登陸
躬其勞以倡之於是長吏效法眾夫駭悅嘯呼趨事不
淹時而就功者悅以先之誠以動之也大臣報命上其
功天子錄之擢為水部較總三吳水利公事由是洪流
決駛如赴沃焦化菹澤為桑麻更波濤為衽席云

論本邑水利二則

明知趙錦

江陰南挹太湖北繞揚子江太湖之水自無錫人於運
河運河之水自五瀉堰入者達於經河自夏港而入江

其東自高六堰轉水河入者達於東境之河港而入江
其西自洛社橫林戚墅堰丁堰黃汀堰入者達於西境
之河港而入江顧地地形東西北三境高西南一隅下高
田十之九低田十之一故水患所及者少而旱災之所
及者廣也低田沿於經河漕港而水勢達於夏港新涇
隄防固厚非久潦未足深患高山則瀕於令節桃花諸
港東新利大諸河其在腹地者雖有池塘車戽易竭今
以諸河港之不通而白鹿東順承陵良信等十幾鄉之
田望大江於數里之外而不能挹其一勺之餘波
一遇旱災坐視其苗之槁而莫之救也哀亦甚矣
江陰之水有二北自黃田港流注諸河達於境謂之江
潮南則太湖梁溪之水溢於無錫之運河自五瀉諸堰
而來西則丹陽練湖白鶴諸溪之水溢於武進之運河
自黃汀諸堰而來達於境謂之河水夫水之來也也有所
受而後水能為利其溢也有所洩而後水不為害是故
四境之內其在東也凡為溝港涇者十三鱗魚港趙婆
港白沙港石牌港石頭港西雷溝東雷溝蔡港石頭港為大其
港谷瀆港合節港界涇惟谷瀆港蔡港石頭港為大其
港身袤四十餘里有奇北迤大江腹裏南通應天等河
跨崇仁寶池清化化成白鹿迤五鄉資漑民田最博橫河

貫其中今既填淤水絕壤斷諸港不通雖有江流之入
中過而不逝歲受旱患者也其在西也凡為河港有九
夏港流皮港新溝河申港蘆埠港利港為大其港身袤三十餘里
桃花港惟申港蘆埠港利港通大江跨永陵良信來春三
有差南通武進網頭河北通塘河橫互其間梗塞不通歲
鄉民田多賴為利中有順塘河來春鄉沿秦望山下通
旱益甚其崇溝河長十六里隸來春鄉沿秦望山下通
南山塘河濁水濫山水逆發田沒無救旱時又以田
高於河竭盡人力穀不易熟此則水旱並患者也桃花
港近利大河與武進半之通則分受其利塞則均害焉
其在西南則青陽一鄉有前渚塘九頭圩後渚塘三尖
圩謝莊村等處最為窪下多被水災其次塌水港河口
淺隘中流微細遇旱稍患之餘壤沃肥種稻歲入畝
可一鍾旱患不及其在東南是為東順西順長壽鳳
金鳳五鄉田多高印湯村東新南新李岸官祿倪塘清
溪泰清長壽直塘諸河聯絡其中疏之則治其馮涇河
約袤十里界蕭岐花塘高岸上廟堂四處河身狹小西
通經河東通長壽河流波俱不能納此則水旱俱患者
也旁有黃天蕩地形較下土性疏惡水至瀾漫其害尤
劇凡高印者利江潮之灌注低窪者苦潮水之泛濫江

潮由諸港以入而眾河為之接引湖水由諸港以出而
眾河為之受瀉此其大較也支分而委治之則存乎其
人前輩鑿河穿渠縱橫曲直灌注輻湊各存條理廢一
不治則害生盡廢不治則害成不可圖也漢人有言通
溝瀆畜陂澤所以備旱也觀地形令水工準高下開大
河洩暴水築田圍所以防澇也江陰河港潮沙易壅勢
不能久近者一二年遠者四五十年通治之勞民不可殫
紀凡沿江去處宜設閘座以時啟閉每春撈淺理其閘
外功減數倍矣其橫河往嘗設閘力不能守終至於廢
又懼勞民數年而不一濬棄地為河棄河為草莽其利
害大小何如也潮沙之淤以漸而積疏濬之功當有次
第如某河某港淤淺宜五年而一開某河某港淤稍深
三年而一開計用夫力若干工食若干每歲徵收導河
夫銀兩不得別項支用畫以一定之數立為循環之法
而官所不足者臨時復責之近便得利人戶則開濬之
役歲有而不為勞民饒而少害豈非興利除害皆可豫
為定計者乎

上御史俞公請濬橫河書

明邑方謨

江陰之有封域卑下瀕江其江之係諸港者西有黃田
 桃花申利諸港東有石牌雷溝令節諸港自南互北皆
 洩水於江竟無瀦水以分流溝澮為灌漑者利未知軍
 崖公立溯其源流擬其逆順東從令節西至趙婆平地
 鑿河四十九里為堰於城之建寅門名曰橫河蓋以諸
 港為縱而界此河於諸港故曰橫也既廣且深亦通而
 暢計累工四十萬有奇散緡斛二萬二千三百縣志可
 稽也江之潮自趙婆港入橫河者分下蕭橋永安河曹
 家村黃家巷綺山東西及土橋沿北諸涇至蕭山而截
 又分盧涇觀莊北湖蔣家橋女山灣松橋雲亭至兩水
 灣與長河會潮自雷溝石頭入橫河者分黃橋章卿楊舍南
 山灣橋售山白豐緻墩陶城而清溪迤邐周莊史村石
 橋皆此水也潮自令節入橫河者分黃橋章卿楊舍南
 達赤岸與長涇計農田之沾其沃潤者四千餘頃宋史
 崔立列諸循吏者以開是河為民利故也緣潮汐往來
 壅滯至易嘉祐中楊士彥濬之入國朝來洪武天順間
 相繼疏濬卒無成效宏治間水利主事姚公文灝與知
 縣黃公傳有開河駁議黃公每言是河未復故宋為缺
 政正德初僉憲高公聿興大利於趙婆雷溝石頭范港
 分節五港擬建五閘旋以經費不支輒罷惟橫河屢壅

屢高而凡支涇旁滄聯於是河者外之潮汐無所通內
 之淫霖無由洩以致南畝萊蕪農業日廢皆由於水利
 之不興也然此河之頻作頻輟終不能底績者其故何
 哉如縣治南有九里河者亦潮衝而易壅上官入於斯
 出於斯故三年一濬或五年一濬未嘗民告勞而官病
 乏惟是河去縣治稍遠上官見聞所不逮請水利者僅
 為塗澤耳目計誰克為此用心哉謨每歎橫河所處之
 不幸也况又公私不同愛憎亦異局於見者為泥時之
 說利於不興之甚者為駕偽之說狃於近者為斲費之說此又
 與於不興之甚者為駕偽之說狃於近者為斲費之說此又
 靡鮮矣

重濬申利桃花三港記

明邑人張簡

江陰在常郡地最下鄰封武進無錫之水必趨若震澤
 之水溢晉陵則由戚墅過石堰入申港溢梁溪則由五
 瀉河趨漕港會於石堰其溧陽荆溪瀉湖之水自晉陵
 網頭河經利港以達於江而孟瀆壅而不流則丹陽練
 湖之水溢而合趨江陰此則桃花港及申利二港之原
 委也故近江港浦數十工鉅而易埋者莫如茲三港宋

乾道間轉運使姜公詵知軍徐公藏稔其利害故疏鑿
 三港以在便民入我國朝夏忠靖周文襄二公以時濬治
 功德在人嗣後游沙積葑河漸反壤公私困竭巡撫都
 御史何公以事聞詔以工部侍郎徐公提督水利事邑
 民以三港並壅事請公可之部事下知府華侯仲賢侯度
 三港受旁縣之水乃議武進侯鏗徐侯銳黃侯傅董其役
 陰治利港主之者縣令呂侯鏗徐侯銳黃侯傅董其役
 者武進丞關勝無錫尉劉寰江陰尉黃泰而府倅姚文
 灝並督之功成民悅時宏治甲寅春也迄今二十餘稔
 泥積沙壅莫辨故道江潮既遇湖水時溢正德庚午戊
 寅己卯間三邁水災辛巳歲廷臣始以三吳水利建白
 今上方嗣實位治化一新乃命大司空李公總督水利
 事仍理復遣巡撫是歲秋行部姑蘇以江南患多工大請官
 分理復遣水部郎中林君文浦員外郎嚴君某任其事
 時大令王侯泮方以興修水利為心乃以三港民情事
 請並報可下知府王侯教覈其實循例檄武進濬桃花
 江陰濬利港惟申港則去春濬而未竟復檄無錫令畢
 其工而府倅王侯嶽兼三港之役勞勩靡憚守令星輶
 絡繹相忘勞苦始事於春正月告成於三月三港中利
 港為艱鑿平壤而淫之廣九仞深二尋計五千七百六

十三丈有奇二港深廣如之鄉之士大夫謂不可無文
 以紀休美某從大夫後乃撰次其事以俟後之君子採
 焉擇

重濬橫河記

明邑人 張簡

江右上高傳侯先以興化節推有聲擢今官履任以來
 廉以律已勤以莅政會連歲三吳水災公私大窘歲蠲
 民租什之三正德辛巳廷臣以都憲李公拜大司空總督
 寶位廉念民生乃俞廷議以秋按臨所部徧咨疾苦以
 江西南水利事仍理巡撫是歲秋濬於壬午首春以督濬
 橫河為邑水利最要乃倡議疏濬於壬午首春以督濬
 事屬之侯既事萬夫趨役畚鍤如雲侯乃止宿河濬
 往來勞瘁自忘其疲縣令佐王侯泮毛侯銳趨事惟謹
 侯慰懌之語益溫河東趨絕蔡港紫迴可半里侯訝其
 迂曲日非故道也乃命董役義民趙梅經理之梅曰河
 直疏鑿工甚省田多某業願斥以佐官侯可之非梅業
 者則又捐錢若干緡購之河既鑿果故道也工省事集
 丁夫權踴號其河曰傅公河蓋加以美名意也非侯愛
 民得民烏能致是哉是河之役自宋崔侯創建繼為知

三系示
 三三山川
 河港

軍楊屯田士彥濬之在宋率五十年一濬入我國朝洪
武甲戌重濬天順辛巳再濬至於今壬午更六十年一
濬然非得人如傅侯則大令言不行而大司空任不專
烏能成是功耶嗚呼西門豹不能引漳水而民歌四起
邦人之歌其能忘情於我侯
耶余目覩茲盛庸書以記之

開濬事宜

國朝知縣 蔡澍

予自令江後博稽邑內水利見各河港多壅滯未濬者
大為農田累乃先後徵里民竭力濬之於政稍暇躬親
按視時已試之法次為數則并探昔賢耿橋陳瑚諸議詳
悉酌定後賢審擇而行之或不無一得云一測量凡
驗河淺深以水不以岸蓋岸有高無一得云一測量凡
未岸水先刻水痕於岸上就兩岸痕以管拽之量其闊
狹乃立一碑寫某處某號比老岸淺若干老岸闊若干
水岸開若若干河底應開深若干闊若干至開畢驗河底
信一樁試仰月弓更以水線通之則淺深闊狹無遁情矣
至若干丈立一樁木由此每里立幾樁共河身長幾里

幾丈瞭然可知其兩岸闊狹亦於兩樁拽管量其若干
丈尺則逐段開狹不等亦瞭然矣又從兩岸中間立一
長樁釘於河心土內刻水痕於樁上與兩岸所刻痕齊
可以互相考覈就此樁繫線與兩岸樁縱橫斜互牽拽
卽為算土方之準欲測水深若干則繫線此樁之頂懸
碇沈入水底卽知深淺若干應開深幾何可從此算矣
迨岸水已乾河底既出乃下信樁假如某段應開深五
尺再用木一截二三尺許烙印編號名爲信樁先釘在河
底再用長木一根名爲送樁送信樁入地五尺而後止
將來挑土露出樁頂則知河已開深五尺矣一算土
方凡工段勿計丈尺止算土方蓋同此一丈河也河面
有闊狹河底有淺深則工力之多寡不等若第以丈計
則狹而淺者工力多闊而深者工力少派役不齊胥吏
從而作弊故必算準土方公平分派至挑濬之時每面
十方留一土柱印官親臨查勘以驗淺深闊狹積至千
萬方燭照無遺又工部尺較今量田弓丈小什之一算
妨工累民一畫一裁量嚴禁陰增弓步灑派鎮保以致
築壩併工先開一段爲樣河次岸第二段水以次而開
蓋防驟雨淫溢致重岸五里之水也

一丈深亦一丈須用十人挑土三人掘土裝担一人為
炊認定土方聽其糾夥力作每人担土百尺每担可挑
土四尺計土二十五担則此一方土淨矣至於從卑至
高用力為難尤須更換接替若淺灘多生蘆根鋤費
力用牛耕之可代五人之力每日黎明鳴鑼夫頭率眾
赴工踴躍効力督工官止監督一處察其土方至某時
挑盡即以爲例他處止須勘驗土方便知勤惰不必時
時點夫處處巡工也一編號凡河夫不編名次常有
移夫之弊隨督工官所至移易點名其間隱匿人數無
從考驗應編定字號某鎮某保豎一小旗再立一木牌
上書每鎮應開河幾十丈覈實土方幾百幾十幾方夫
幾百幾十名其夫役姓名年貌驗牌點名則彼此
註之每夫給一腰牌書其姓名年貌於冊有病逃代替者亦
移易之弊除矣一堆土凡河中起土役夫偷力即於
沿河堆土一經霖雨土隨水卸仍復淤塞必離岸數丈
立標爲準挑泥由遠及近或補岸或壅田勿令雨淋下
河而後可若兩岸田低應築圍岸捍水者則以濬河之
泥增築隄岸別令種田居民隨濬隨築河深而隄益高
此兩利策也一量弓河既開畢當以弓量之以徑量
深以弦量闊假如河面闊五尺深一丈即以毛竹接長

作弓其弦五丈自弦至背徑一丈開河之後以輪推弓
而行弓弦向上形如仰月以準岸上水痕弦出痕上則
深不及一丈而河淺岸礙弓稍則闊不及五丈而河狹
責令如水線土方既盡必於河底當心深開一線導水流
行如水線不到處知河底尚高再加挖深必至順流無礙
而止水線須令底平方有準又河中腰壩之基悉爲剗
盡使一線通流方得淺深如一否則諸壩攔截每段之
水線雖通而全河之水線不貫河內淺深仍復不等不
可謂工已完也一開壩河工既畢開壩放水若留壩
基在下不惟妨運且使泥沙停蓄須先在壩下掘挖壩
潭其深闊與壩之高厚相等然後掘壩土入潭庶河底
無留滯之患一派夫照田役夫厥例甚古然規避影
射狡黠每易脫漏浮派統括良善多苦重科而僉點夫
頭差委書役尤滋勒索派斂諸弊必於舉行之始密弔
應役區圖總冊覈明各業戶認管畝數然後通融算派
毋任胥役擅權盈縮至夫頭約束眾夫祇於下岩時看
驗點充切勿先期僉派致啟倩囑移換之弊其監工書
役官給飲食派斂必懲則錮累永除公事易竣矣一
普濬河有幹支均係水利先後疏濬固其次第而灌溉

所藉不僅幹支兩河支河之中更有偏渠仄港雖屬溝澮附近之田待澤至亟若祇澹支河不治小澮則內地反高外河雖通終成阻滯宜於澹河既畢凡通小澮之處俱令隨時一律開挑務使內外大小脈絡節節深通則灌漑之利普矣一撈洗澹河之期不一或數年或數十年事雖善舉而勞民費財不可以為常也江邑瀕臨大江潮汐出納壅塞至易數歲不澹漸成陸計惟於開澹之後相視各河形勢按年遞加撈洗使泥沙不致積則大役不至數興而民無重困矣

開澹通邑河渠記

國朝邑人蘇濱

古來以人事濟天工者惟水事為大故建都立邑必相其邱陵原隰以利其水泉之道使足以霑漑而衣食其民其在詩之詠公劉也以相陰陽而觀流泉為建邦之始事其詠召伯也以原隰平而泉流清為營邑之成功則水之利於民誠大矣我

國朝 奕葉太平德澤所敷重熙累洽宇內跋行喙息之物靡不各得其所乃猶上廛

宸衷特命總理巡方大臣宣示守宰親民之官履行畎澮凡傍

聖心之

河田畝需水利者悉令酌量疏通

南來山脈蟠結起伏跬步異形藝田者兼山農澤農平地農恃水浸灌者尤亟邑中內水則震澤梁溪丹陽白鶴諸派合流以洩於江外水則早潮晚汐驚瀾怒濤噴薄以達於河澮內外交遊泥沙易淀恆致填淤故雖通漕有運河橫亘南北境者有橫河應天河為水之經江潮之由東西境入者有夏港申港利港桃花順塘蘆埠范埠新溝橫溝蔡港石頭白沙石筏陳溝諸港為水之緯其他山塘高泗龍游龍章新涇菱塘斜涇馮涇白蛇清溪泰清亭子等河縱橫葛既多且備無如因循日久淺者絕流成陸深者沮洳壅隔頃遇災旱父老相顧愕眙無策豈多歧之亡羊亦積弊之難起也夫成大功者不謀眾興大利者不諧俗此獨斷決行之說也而非兌以和民重巽以申命則從容緩圖之說也然非牧宰之才與識實能灼見事先且非其人之德性有以主其才識則雖興事任功亦無能不疾而速也善乎白吾江建邑以來未覩賢侯如蔡公者公以名進士宰江陰四稔於茲廉以最遠大者莫如河渠之咸澹也先丁巳冬德於江民之最遠大者莫如河渠之咸澹也先丁巳冬

底漕渠水涸往例祇下開蓄水撈淺通艘公奮然請帑
 首濬運河既有成績將舉邑河盡濬之特念民力未易
 輕舉當因勢利導焉去秋燠乾民始嗷思甘澤公曰機
 可用矣會父老來以濬渠告公嘉獎之於是告者日益
 眾利弊日益晰己未春農隙鳩工合耦鼓舞而速成之
 邑中諸渠凡經緯支幹有利於農疇者共三十有六處
 無不一時俱濬廣長深入比舊有加兆民感德踴躍趨
 事萬鍤皆興蓋惟公之才識有以終始其事而德性復
 有以堅定之也間考古來水利鄭國鑿關中八渠而秦
 地益饒西門豹之穿鄴也日今日父老厭苦尙令父老
 異日思我言然此猶淺近之功效踳駁之霸圖豈如我
 公實心實政真能以人事贊天工者哉宜其與召伯同
 攻克繼公劉之成績而斯民飲德遙望嚙原流泉間且
 不勝河酌之意然則公雖欲辭頌禱而民其曷已哉頌
 曰粵惟我公神君慈母克剛克柔撫莅茲土粒我蒸民
 大利在水滌源澤陂壤賦是起
 帝曰念哉咨汝良宰疏之鑿之吸江飲海千耦來同畚鍤赴工
 公曰弗亟民集雨風漑我邦族康我婦子我公精神諭
 演此水麥隴陰陰馴雉朝雝人恬物熙以娛老壽天施
 地生益道大光夫以健決坎以順藏賢勞有成承綏邦

境於鑠斯年
 受天之慶

開挑城運兩河碑示

國朝知縣 葉維庚

為勒石遵守以垂久遠事案奉本府程批前縣王呈詳
 城運兩河三十六鎮通派開挑緣由卷查該馬家湖田
 畝係塞湖為田四圍隄岸皆附近夏城等四鎮居民修
 築康熙間呈準優免該四鎮一切差徭至嘉慶十五年
 開挑運河該四鎮呈請援照陽錫二邑芙蓉圩之例連
 挑河亦並優免該前縣張南圭據情詳奉前撫憲批準
 免派道光元年又值開河該縣將四鎮應出夫役灑派
 三十二鎮旋據合縣紳耆呈稱城運兩河分年挑濬素
 係通邑按田出夫從無除免一鎮一保之事仍照向例
 通邑派挑前縣王克勤以輿情未協詳請凡遇挑河年
 分若水大則該四鎮修築圩岸勢難兼顧河工應免派
 夫儻遇旱年並無圩岸可築即同通縣各鎮派挑以昭
 公允等情前來本府復確加查核康熙三十年碑示只
 有優免差徭並無挑河字樣該縣城運兩河湖白康熙
 至今挑河次數不知凡幾皆係三十六鎮公派誠以該
 四鎮捍禦隄防不無勞苦因免差徭以示體恤而挑河

係地方公務不得謂之差徭設開河亦在差徭之內前
 人之智未必不若後人當初次派夫必早有人控告何
 須百餘年後必待謝陵等以江邑之人而援外縣之例以
 形彼此不同謝陵等以江邑之人而援外縣之例以
 服合縣之心况馬家湖與芙蓉湖難以並論芙蓉湖成
 田三萬六千餘畝地勢低窪隄身廣闊圍岸綿長修築
 不易馬家湖志載田畝皆膏腴沃壤且僅七千三百餘
 畝應修圍岸較芙蓉圩不過五分之一何能援以為例
 况該四鎮現在隱射詭寄免差之田已有二萬八千餘
 畝之多此時復欲以應出之夫派諸三十二鎮無怪合
 縣紳耆之不服也仰即再行確核悉心妥議覆詳並具
 詳撫藩二憲察辦嗣奉府憲程札內開奉布政司賀札
 奉蘇撫部院陶批江陰縣城運兩河為合邑居民所利
 賴向來三十六鎮通派開挑所有馬家湖等四鎮於康
 熙年間呈請優免差徭碑示並無挑河字樣歷屆開浚
 皆係通邑均派從無異議維嘉慶十七年經謝陵出控
 更立新碑遂致紳士等控告紛紛輿情不協現據該府
 縣確加體察議請仍循舊章通縣派夫實屬允當嗣後
 凡遇挑河之年該四鎮一律派夫以昭公允而杜推諉
 等因由司轉府下縣飭遵在案合行給示勒石以垂永

久嗣後凡遇開挑城運兩河仍照嘉慶十五年以前舊
 章通縣三十六鎮按照業食佃力計畝派夫以昭公允
 所有四河青下黃橋夏城等四鎮應遵各憲批
 示永遠遵照辦理勿再藉詞推諉致干重咎

汪公亭記

國朝邑人 徐炳光

國朝

斯亭何為而作也邑侯汪公自同治丁卯履任以來廉
 以律己勤以聽政振興善舉美不勝書而德徧羣黎恩
 同再造貽數百年樂利之床者尤莫如重濬橫河之役
 橫河由邑城以東直達谷賈互長七十餘里跨七鎮抵邑
 東鄙為諸港之徑流南通湖潁水北引江潮資灌農田數
 千頃宋知軍崔公立平地疏鑿史因其有功德於民列
 循吏傳然各港潮汐挾沙往來交滙于河淀淤甚速易
 壅難濬閱前明黃志所載即以前未復宋舊為缺政入
 屢濬屢壅漸壅漸高今則大橋以東數十里盡為平壤
 水道失宣樹藝不熟他鄉屢慶豐年而橫河處所災荒
 迭見民不聊生公蒿目怵心于戊辰冬彙集紳耆議大
 濬皆感謝尋以工鉅費艱遠巡莫敢任事公曰此河不
 濬是無民也倡捐廉俸千緡以鼓民氣循按畝出夫法
 具牒請於大憲尅期徵會萬緡如雲公晝夜巡督雖

嚴寒積凍往來河濬不少倦迄歲杪成有日矣會霑霖
不止積水成渠有竊議者謂藉是日公馳赴河干徵夫復
而面加大濬猶弗濬也元旦之明日公馳赴河干徵夫復
丈面加闊底加深必以復舊河身為一勞永逸計時將
東作役有難色公慰諭甚溫督限甚峻而民知公之令
不可違且心折其以佚道使也兼程力作鏃深鑿堅見
古河形底色青黝平如砥兩岸積土如山阜臨瞰險怖
負擔蛇行而下積壅且數萬計自冬徂春閱十有五旬
而後舉百年之積壅疏滌如洗實為自有橫河以來未
有之鉅工甫竣湖潮之水汨汨交會舟楫暢行田疇
廣漑歲以工而公猶慮之水汨汨交會舟楫暢行田疇
岸土築田以防而公猶慮之水汨汨交會舟楫暢行田疇
出資二萬餘緡獨建橋梁二十八座以普濟其眾頓使
婦衢歌巷舞蹈德詠仁不知所報相與負土累石建亭
於東外鷄鳴橋西之河干羅拜而呼之日汪公亭謂世
世子孫無忘公德也余與陳君祖厚尤君翼堂沙君迺
楨等從公于役深悉其難非公獨斷不撓力勝艱鉅
克有濟者宜乎民之感極而有是舉也用敢敬記其事
而鐫諸石以誌弗諼焉公名坤厚字漁垞浙江蕭山人

也同治八年歲次己巳
仲秋七鎮士民公建

重濬東橫河記

國朝知縣 林達泉

自邑城東水關而東有河綿互於雙牌三官周莊大橋
章卿楊舍六鎮之間志載七十餘里按之今圖實五十
餘里所謂橫河者是也北蔡泗港范港斜橋十港之水從此而
吐納南通湖雷溝北蔡泗港范港斜橋十港之水從此而
水從此而貫注蓋以南北諸港為縱而是河橫互其間
故曰橫河也邑中之水自運河為最通則邑東諸鎮受
灌溉舟楫之往來實以東橫河為最通則邑東諸鎮受
其利塞亦均病是以宋知軍事崔公立剏開以來吏斯
土者往往往與大役集大眾蓋亦既屢淤屢濬矣惟是河
潮汐往還沙泥易壅加以河長役鉅當事者多苟簡從
事河之濬雖頻河之淤亦日甚湖自乾隆初年蔡大令
澍兩次大濬後及於嘉道百數十年間雙牌三官周莊
大橋四鎮猶能浮送輕舸其自章卿楊舍二十餘里淤
成平陸居民或構屋其上楊舍尚有谷瀆可通章卿一
鎮則旱潦莫由蓄洩亦且汲飲莫由挹注尤以橫河不

濬為病同治七年前令汪君坤厚軫念民艱與諸董諧議循業食佃力例興工大濬法嚴令行畚鍤齊與其礙於橫河者至於伐木發屋自冬及春淫霖水漲雙牌三官周莊大橋之河已如式開挑而章卿楊舍土厚工重河通而未暢卒以役夫告病而罷是時汪君督役峻急紛騰怨讟其後居民得沾水利章卿之田至畝收數倍亦無不頌汪君之德也予繼汪君後於去年攝篆是邦居民以東橫河關係六鎮而章卿楊舍冬月淺涸可涉未竟其利汪君之功有如一篲之虧乃捐廉二百千設局重濬並延舊董沙二尹迺檜陳署正祖厚尤理問翼堂及章孝廉成義郭廩生鷺飛駐局督理縣尉姚君紹生及予往來巡視孟冬築壩臘月雪阻春融復挑於今年正月三十告竣較汪君時所濬增至尺或至四尺有奇黑壤青泥積堆兩岸父老以為前次歷開未有深於此者而東橫河之利已盡惟茲河繼汪君重濬然汪君於章卿楊舍之河無異平地生開實肩其難予則因其下而下之且諸董皆汪君所倚任能不避勞怨予因而延之循照七年舊章實較汪君為易記之以志橫河為六鎮大利且以見汪君及諸董之勞不可沒非敢曰莫為之後雖盛弗傳而媿迹於鄭國在前白渠在後也

閘堰

黃田閘在黃田港江湖由此入灌諸河舊有上閘址在今

閘之南百步莫詳初始宋大觀間縣丞于溥改建今地

元明因之洪武三年置閘官以司啟閉正統元年重建

并建石橋知府莫愚請於巡撫周文襄凡役夫二千五

千萬一千方灰四萬劬鐵一萬一千劬米二千九百石

國朝康熙二十一年知縣沈清世重設閘版雍正十二年知

縣郭純詳請重建檄委原任保甯府知府陸錦董理更

建閘橋名定加築永定壩知縣蔡澍監修同治六年石

岸傾圯邑人稟請興修十一年大憲勘估築壩尙未興

修

蔡涇閘在九里河西節制夏港潮水舊名下閘亦名南閘

宋開禧間知軍葉延年重建元明因之洪武三年設閘

官正統元年知軍王子倫重建

亦知府莫愚請於周文襄凡用石四千五百丈

木二萬二千棵磚二千萬二千方鐵一萬筋有奇役夫二千五百人米二千九百餘石

嘉靖八年

知縣劉欽順重修今廢

四河閘在縣南四十里鈴束運河北障江湖南節五瀉溪

湖諸水糧艘往來資其濟運為通邑水利之要區康熙

三十六年知縣耿慶詳建歲久塌圯乾隆三年知縣蔡

澍詳請移建於舊閘北里許奉憲檄勘估而緹費未就

九年知縣劉新翰以沿塘十鎮土民請計畝公捐閘移

建始成二十三年復圯二十六年知縣汪邦憲援十鎮

公捐例重建完固嗣後每屆受兌設版啟閉焉

新涇閘在新涇河口宋知軍施邁建以節漕河之水旋廢

五斗港閘在丁墅鎮亦名找溝閘久廢

國朝乾隆七年知縣蔡澍檄里民重建

申港閘在本鎮港口康熙三十八年邑紳繆燧捐建

桃花閘在桃花港口久廢

分水閘在小桃花港口乾隆四年知縣蔡澍檄里民建

馬嘶閘在橫河蔡港之交宋政和間縣丞楚執柔建久廢

今石址猶在土名閘上

唐墅閘在橫河谷瀆之交亦楚執柔建久廢

令節閘在楊舍堡城北令節港口今廢

黃山閘在趙婆港口明萬厯間知府譚桂創建今廢

三關淺水閘

按此於水關為二尺堰以蓄水即今公善堂寒冬蓄汲之法也第昔用閘而今築土壩耳

西長涇閘在顧山東莊盛堂廟前同治間建

停水閘在西外長溝河口同治八年建

大路溝閘在虞門鎮咸豐二年建

萬隆閘 正隆閘二閘在觀山鎮盆塘圩南岸今重修

鄭經閘同治四年建

戴家橋閘同治十一年建

范華溝閘同治十二年建

利濟閘同治十二年建

余溝閘同治十三年建

俞增橋閘光緒三年建

雙仁橋閘同治八年重修以上均在夏港鎮

雙涇閘又名瀾安青龍閘在馬家圩東堤

回塘堰在東城內沿濠今址尚存

利楚堰在東城內宋縣丞楚執柔建久廢

永定壩在澄江門外

土名魚行壩

明宣德間築後為奸民盜決

邑多災眚

國朝康熙三年知縣何爾彬力主堵塞遂鑿龍鬚河以殺水

勢并建禪院鎮之院今

政和河港堰閘記

宋邑人 蔣靜

惟江陰地廣民稠為毘陵五邑之冠壤四高中下而旱
乾水溢比旁縣為鮮嘗竊怪之已而披按地圖大江橫
其北太湖處其東南而挹北江之潮汐醜具區之泛濫
為河港以十數派而為溝洫分而為畎遂若身之血脈
失其節宣則病或乘之此天禧之崔屯田立嘉祐之楊
都官士彥所以汲汲於橫河市墩令節蔡港以為下車
政治之先而書諸國史形諸褒詔記之楊蟠之文民到
於今稱焉蓋導江水而南被其最巨者由黃田港閘距
五瀉堰為漕渠而漕渠之東有河曰市墩又其東曰新
河新河受令節港之水市墩承蔡港之流皆北引大江
西起漕渠東至令節港澤之餘波暨焉猶或滯而不周
乃

濱相為經緯而田窪者仰旱者澤瘠者腴介於江湖之
間暨陽獨為沃野此士彥所以一理前人之迹而百姓
重饗其利也迄今五十餘年橫河故道堙沒略辨市墩
新河代洪港悉又反壤而具區之無錫而人者既
不得洩北江之潮由諸港黃田隔而注者又遏而不
於是白鹿化五成等數鄉之頻苦旱澇而比歲六年之
秋賦之捐者且歲月雖欲獻議而部使者沮不得為所
化之官苟且成月雖欲獻議而部使者沮不得為所
不能仰副朝廷寄委之意者郡邑外臺之罪也政和甲
午縣丞楚通仕執柔患之乃行視水道謂利害之當興
者莫先崔侯之所鑿與楊守之所以南洩震澤北節大江
二橋之旁而築堰邑東門之外以南洩震澤北節大江
視二水之盈虛而為啟閉則善無以加乃度地計工因
農隙貸常平錢數集夫萬四千七百有奇延袤深廣計
夫授步二河一港同日皆作丞躬察勤惰激賞勸工而
食利之家爭出私錢佐費於是三河新流透迤兩廂宏
壯作始乙未冬十一月辛巳畢工十二月庚戌以明年
三月己巳將濬橫河會知縣王承奉有來遂相與戮力
自邑之同塘堰出建寅門東至石牌港皆令所董由石
牌以達令節則丞之所部不逾月工就而東門之堰亦

完積工四十萬而民不以多辭散緡解二萬二千三百
而官而恬不以費嗇乃知令丞此舉不為小補與夫職為民
役或謂歲方歉民未可以輕擾而丞以歲歉始丞之議由
水利之不惜苟佚道使民其將勞而不怨至是邑人果
以令丞功利之實相與礪石以待勞而子謂十目所視不
待記而可知而崔楊偉績不致燕沒而無考
則或在於是乃濡筆識之俾鏡石以示遠云

重建黃田閘記

宋邑人蔣靜

暨陽城北一里許有港曰黃田世傳以為楚黃歇開以
溉田而後人以是名之者也北引大江橫貫城中南出
於郭透迤曼衍截蔡涇過崇鎮至五瀉堰凡七十五里
而距二浙之漕渠其播為支派若瓜蔓虻足東暨無錫
西交晉陵繚繞縱橫又不知其幾里而溉田頃以萬計
皆資潮汐為膏腴莫測其盈虛則乍滿乍除雖有機械
不能運之於無所停滯故昔即港口置上閘以啟北江
之潮又接蔡涇為下閘以節制旁浦之水於是雨不時
至無涸絕焦枯之憂霖淫弗節無羨溢漂墊之患而昔
之芟牧其中或終古瀉鹵者皆稻梁沃野而富商大賈

長棧巨艦夷蟻海錯魚鹽果布之屬輻湊於城中故居
民富饒井邑繁盛臺門雉堞與列郡等而今之縣令蓋
嘗守以二千石矣其流詠詩人見於荆國王文公與朱
明之富乃知黃田港為要津而閘之創置則歲久失傳
蟹不可考而水溢農人疲於畎畝商旅困於舟航而粟帛
厄故旱乾水溢賦之輸州縣者往往終日不行尋常郡縣
之奉朝廷租賦之輸州縣者往往終日不行尋常郡縣
導之吏多苟且歲月無實為民之所由出故雖司復斲一
前猶持議數年不決可為長太息也故雖司復斲一
來守毘陵會令尹徐君充邑丞于君溥主簿徐君震縣
尉韓君立之踵至訪知縣民之瘼無大港插者而水利
實丞之職丞乃詳究籌畫之雖已取成於心而有俟時
者會歲事稍登人樂自効得錢三百萬以市材而工遂
以庚寅季冬上牘之良址於舊基之北百步外為之
而於明年政和元之正月人版築剛實規制宏壯反
皆樂事而勤功增卑而倍薄其版築剛實規制宏壯反
觀舊址若坐巍阜視培塿焉乃作亭平其左以謹司開
闢之節立廟乎其右以妥安神祇之靈且使出沒於驚

瀾怒濤之間而望吾牖而濟焉者得亭以少休而收去
幹之魂得廟以恭謁而申更生之禱也三者備矣乃更
濬上下流之積沙去支港之游土復以餘材作新下牖
昔人之所經營於是乎盡而闔境之民可知數十年食
魚與稻亡凶歲憂漕輸者亦省卒而功倍矣郡侯題之
為大書其勝且酌酒勞丞而謂之日利源之出管乎是
矣武進而兩邑弗獲其施俾復西導申利二港注之晉
陵北使灌浸周於郡境而風檣萬里順流而縱者朝江
海而夕毘陵也於是商賈歌於川塗居民賀於里巷而
耕夫耜與歡欣鼓舞願置刻於康衢屬予以記且欲後
之為政者知港之惠如此無荒忽前人之功而為行道
用財賄而廣德於無窮也

淺水閘記

明邑張袞

江陰四門南北東三門皆設水關潮汐患至未有閘也
北倚大江直受江水之激射朝浮暮涸比及冬寒城中
無勺水自潤況舟楫乎嘉靖丙午連遭旱威人情洶洶
城內外居人願出私錢自效邑大尹麟陽趙君聽民之

請復令公舉耆民三人領之成畫既定趙君入覲推府
刺溪裘君來署縣事乃布令國中指揮各役關北關東
則陳鶴徐治主之關以南屬之黃巒巒願獨力是究水
利丞王南山總其事其為制也壘石為防中橫以檻去
河底二尺有餘潮至則舟從以入退則積水平盈於檻
法云渠渠蔚有嘉利惟北築高三倍以禦湍急東稍次
之令江水從外濠池運而東又南轉以入於關之河此
其大較也趙君既礮石道旁俾子書之以永憲於來者

永定菴長生書院記

國朝邑曹承

江陰古暨陽地也其城後枕君阜前瞰馬鞍東南諸山
屏帶拱揖長江浩淼經流其北邑中水道皆吸引江潮
閘堰啟閉得其要領故紆流回抱經帶有情此其得水
之利也勝國之初民殷物阜文風甲第為四邑冠二百
年來法弛民怠水利不講諸港堙塞古人遺制什失其
九寢至崇禎末季驟開此壩江潮北來激射如箭乍盈
乍涸衝突異常青烏家皆謂此為元武水不特病民抑
且病吏已而劫灰遍邑占者之志康熙改元於潛何公來
茲役常欲倡始興復未副此志康熙改元於潛何公來
治此邦下車之始問民疾苦周覽城郭山川熟悉利害

毅然欲復舊觀會政事伊始未暇也於三年之春募民
填塞不閱月壩成廣若干丈表若干丈費若干工於四
年之冬慮壩成復毀圖建菴其上以永其業禾亦參未
議焉先是癸卯之春公捐俸濬治內外城濠秋闈南北
舉於鄉者四人禾遂得由胄監登賢書成進士則人文
風水說公之洞鑿已信於前事矣今茲壩工落成公得
內召擢禮曹主客司極清華之選二尹芳威馬公亦同
時擢令建陽則壩之役已利於官茲土者矣昔范希文
知饒州見饒土人文寥落為相山水形勢移學官對暇
文筆一峯已而彭汝礪遂大魁天下希文亦由潤州轉
越州內擢政府饒之人士祠公者迄千百年而未絕何
公德於吾鄉大庇斯士使有汝礪其人者出焉則公既
以功名顯吾鄉之祠公者不且與希文比隆哉茲壩之
成禾實始終其事竊謂知公之深邃不揣僭筆而為之
記

四河開記

國朝知縣 汪邦憲

江邑舊於黃田港四河口並建開座資蓄洩利漕運其
後四河開先廢黃田亦就傾每冬月漕運開兌北用黃

田開南則四河口及溝港悉築壩蓄水漕艘發乃決而
通之商農兼病者數十年矣前令蔡君澍詳請籌撥移
建不克歲甲子沿塘十鎮士民願計畝公捐請於前令
劉君新翰轉報上官開始成歲戊寅開復圯士民援前
例請因授董經理務為完固經始辛巳十月至壬午十
月告成蔡劉兩君之用與十鎮士民之好義皆不可
泯沒爰書其始末使後
之修舉者有所稽焉

潮汐 附

潮信每月初二初三初四及十七十八十九共六日謂
之大信外口水痕增高四五尺漸入漸減至末流僅尺
許然沙之積此處尤劇以其強弩之末僅能送之入不
能挾之歸也初五以後二十以後潮痕日縮謂之小信
漲不過二三尺遠者竟不至矣
若嚴冬迥寒名凍殺潮
故土人以十月潮進港

為創見也

潮候初一十六並寅初申初平初四十九並卯初酉初
平初六廿一並辰初戌初平初九廿四並巳初亥初平
十一廿六並子初午初平十四廿九並丑初未初平大
抵潮水入內來三時去三時去之時稍有餘而潮自海
門長起由東沂西以遠近為遲速焉
黃田港與上海黃浦江相去三百餘里黃浦江潮落時即黃田港潮長時泥時言潮者非
潮風西風名退潮風雖大信不盛西北風次之南風雖
至而平東風稍盛北風大盛東北兼作名曰風潮大信
潮入內地或一二十里若七八月間颯風陡發潮入洶

湧百倍尋常不特田禾滄沒廬舍人民亦多漂溺謂之
海漫

潮時早春初起背春涉夏漸盛夏秋之際極滿盈矣八
月十八日俗謂潮頭生日視常加倍過此漸減及冬而
平惟處暑白露之交稻初花豆始實木棉結果時風潮
一至百昌皆敗而瀕江及沙洲被患尤甚

國朝雍正間知縣郭純於江心東永平凝等沙建築土墩四
座高二丈面寬七十弓底寬一百十弓堅固高壯為沙民秋季避潮之所
焉

江陰縣志卷之三終



